

Du 9. May 1602.



Imprimé
Arrest du Conseil
D'ESTAT POVR FAIRE
SVRSEOIR TOVTES LE-
uees extraordinaires qui se font
sur les subjects du Roy.



A P A R I S,

Par la veufue Mamert Patisson, Impri-
meur ordinaire du Roy.

M. DCII.

Avec priuilege de sa Maiesté.

THE NEWBERRY LIBRARY
CHICAGO, ILL.
1875

Case

F

39

.326

1602 fa

THE NEWBERRY
LIBRARY

21944 A

THE NEWBERRY LIBRARY
CHICAGO, ILL.

1875

NEWBERRY LIBRARY



Extraict des Registres *du Conseil d'Estat.*

SVR les plainctes faictes au Roy estant en son Cōseil, Que au moyen de plusieurs cōmissions extraordinaires qui auroyēt esté accordees pour leuees de deniers tāt par le feu Roy dernier decedé, que de sa Majesté, il se seroit commistant de desordres & maluersatiōs par ceux qui ont esté employez à la recepte d'iceux que les subiects de sadicte Majesté en auroient reçu & reçoient journellement beaucoup de fousse

& oppression, Notamment les pauvres gens du plat pays se trouuans tellemēt surchargez & pressez à cause desdictes leuees & contrainctes, qu'il est presque hors de leur puissance de pouuoir subsister & payer les tailles, A quoy desirant sa Majesté pouruoir & empescher le cours de tels desordres pour le preiudice notable que le bien de ses affaires & seruice en reçoit, aussi pour deliurer ses subjets de telles vexations, & leur donner moyen de mieux payer & acquitter les charges ordinaires, sadicte Majesté en sondict Conseil, A
 SVR SIS ET SVR SE OIT l'exécution de tous Edicts & Cōmissions pour leuees de deniers cy deuant faicts tant du regne du feu Roy dernier decédé que sadicte Majesté pour quelque subiect & occasion que ce puisse

estre, fors & excepté routesfois les
 Commissions expediees pour les
 deniers de ses Tailles Taillon, Pre-
 uost des Mareschaux, Creüe, extra-
 ordinaire subuētion, sol pour liure,
 gabelles, peages, impositions des ri-
 uieres & fermes Royales, ensemble
 les leuees qui se font, tāt sur les com-
 munaultez des parroisses & de leur
 consentement en vertu des lettres
 du grand sceau deüement contre-
 roolles, que pour les reparations
 des ponts desmolis & abbatuis au
 grand dommage & interest du pu-
 blic. FAISANT sadicte Majesté,
 tres-expresses inhibitions & deffen-
 ces à tous les Commissaires ordon-
 nez & deputez pour l'execution des-
 dicts Edicts & Commissions, ainsi
 que dict est surises, de ne s'entre-
 mettreny inmiscer à l'aduenir au fait

d'icelle & aux Receueurs ou Commis à la recepte des deniers prouuenans desdictes Commissions, d'en faire aucunes poursuittes ny demandes iusques à ce que par sadicte Majesté en ait esté autrement ordonné, sur peine aux contreuenants d'en respondre en leurs propres & priuez noms: Enjoignant sa Majesté, à tous ceux qui ont obtenu par cy-deuant telles Commissions, qu'ils ayent à les mettre dans deux mois au Greffe dudit Conseil: Et où aucuns se voudroyent ingerer par cy apres d'en faire quelque recherche. **VEULT ET ORDONNE** sadicte Majesté, qu'il en soit informé en la plus grande diligēce que faire se pourra, tant à l'encontre des Receueurs ou Commis à la leuee desdicts deniers, que Sergens executās leurs contrainctes


& ce par les Iuges des lieux ausquels
pour cest effect elle donne tout pou-
voir & iurisdiction, mesmes de fai-
re & parfaire le procès ausdits con-
treuenans. Est aussi enjoinct aux
Thresoriers generaulx de France,
d'informer pareillemēt de leur part,
& en donner aduis à sa Majesté. Et
sera le present Arrest enuoyé aux
Baillifs & Seneschaulx, pour iceluy
faire publier & obseruer en l'esten-
due de leurs ressorts, en la maniere
accoustumee. FAICT au Conseil
du Roy tenu à Bloys le neufiesme
iour de May mil six cens deux,

Signé,

HENRY.

Et plus bas,

POTIER.



ENRY par la grace de Dieu
Roy de France & de Nauarre,

A nos amez & feaux Conseillers, les
 Thresoriers de France & generaulx
 de nos Finances, Salut. Nous vous
 enuoyons l'Arrest de nostre Cōseil,
 dont l'extraict est cy attaché sous le
 contre-seel de nostre Chancellerie,
 & pour le pront & entier effect d'i-
 celuy selon que nous le iugeōs pres-
 sé & important, non seulement au
 bien de nos affaires, mais encores
 plus au soulagement de nostre pau-
 ure peuple, outre ce qui y est requis
 & dépend du deuoir de vos estats
 dont nous vous donnons charge ex-
 presse: Nous voulons, vous mādons
 & enjoignons que celuy nostredict
 Arrest avec celsdictes presentes ou
 les copies d'iceux deüement colla-
 tionnees, que nous entédons seruir
 & valloir comme à l'original, Vous
 ayez promptement à enuoyer & fai-
 re

re distribuer par tous les Baillages, Seneschaulcees & autres iurisdicciōs de vostre generallité à ce que les Officiers d'icelles ayent à en faire comme nous leur mandons, & enjoignons aussi tres-expressement de faire faire la publication & proclamation en l'estendue de leur ressort, à fin que chacun de nos subjects reconnoissent quelle est sur ce nostre volonté & y obeyssent, & que personne n'en pretende cause d'ignorance: & sur tout que nos Baillifs, Seneschaux, Preuosts ou leurs Lieutenans, ayent à enuoyer & faire notifier & signifier nostredit Arrest promptement de par nous, à tous les Commissaires de quelque qualité & condition qu'ils soyent, qui se trouueront en l'estendue de leur ressort, porteurs & executeurs d'autres Com-

missions que celles que nous auons
reſeruees & exceptees par noſtre dit
Arreſt, à ce que leſdicts Commiſſai-
res ayent auſſi toſt à ſurſeoir, com-
me nous auons ſurſis par noſtre dit
Arreſt, & voulons qu'ils ſurſeoyent
l'exécution de leurſdictes Commiſ-
ſions. Voulons outre ce, & enten-
dons le meſme eſtre faiſt aux Rece-
ueurs, Commis, Huiffiers & Sergens
qui ont charge du recouurement &
maniemēt des deniers, qui doyuent
prouenir de ladicte exécution, à ce
que de leur part ils ayent à ceſſer &
faire ceſſer toutes & chacunes les le-
uees deſdicts deniers & les procedu-
res executaires & contrainctes qui
en dependent, ſur les peines portees
par noſtre dit Arreſt, de l'entier ac-
cōpliſſement duquel à fin que nous
ſoyons plus certains, Mandons à

tous nosdits Baillifs Seneschaulx ou leurs Lieutenans, informer soigneusement à la poursuite & diligence de nos Procureurs en leurs sieges sans respect ne acception de personne quelscōque, des refusans dilayans autrement, ou contreuenants à nostre volonté portee par nostredit Arrest: Le mettant & faisant mettre sur ce, & en tous & chacun des autres poincts, circonstances & dependances à deüe & entiere execution, de laquelle ils nous donneront vn mois apres la reception certain aduis en nostredit Conseil, y enuoyant les actes & certificats du port deliurance & signification qu'ils auront faiet faire d'iceux tant en leurs ressorts qu'ausdits Commissaires Receueurs, Commis, Huissiers, & Sergés, Et de vostre part ayez dans le mesme

temps à nous certifier en nostredit
 Conseil, de l'enuoy de nostredit Ar-
 rest & de ces presentes ausdits Bail-
 lifs Seneschaux, Preuosts ou leurs
 Lieutenans, & vos procès verbaux
 contenant amplement le deuoir que
 vous aurez faict pour l'execution de
 tout ce que dessus. MANDONS à
 tous nos Huissiers ou Sergens, faire
 les significations & tous autres ex-
 ploicts requis & qui leur seront par
 vous ou nosdits Baillifs commandez
 pour ladicte execution de ces pre-
 sentes & de nostredit Arrest sãs estre
 pource tenu demander *placet visa ne
 pareatis* leur en donnant comme à
 vous & ausdits Baillifs, Seneschaux
 Preuost ou leurs Lieutenans de ce
 que dessus faire & deuement accom-
 plir tout pouuoir, commission &
 mandement special. Car tel est no-

stre plaisir. D O N N E' à Blois, le
neufiesme iour de May l'an de grace
mil six cens deux. Et de nostre regne
le treziesme. Signé HENRY.

Et plus bas

Par le R O Y.

P O T I E R.

Et seellé sur simple queüe du grand
seel de cire iaulne.

Leu & publié le contenu en l' Arrest
 cy dessus escript à son de trompe & cry
 public par les carrefours de ceste ville de
 Paris, és lieux accoustumez à faire cris
 & publications. Par moy Robert Creuel
 crieur iuré du Roy és ville, preuosté &
 vicomté de Paris, accompagné de Clau-
 de Pouteau & Mathurin Noiret,
 Trompettes iurez & ordinaires dudit
 Seigneur esdits lieux, le Vendredy septi-
 esme iour de Juin 1602.

Signé

CREUEL.

